

Dr. M dianugerah Darjah Tertinggi Kerajaan Venezuela

CARACAS 1 Ogos — Perdana Menteri Dato' Sri Dr. Mahathir Mohamad malam ini dianugerahkan Darjah Tertinggi Kerajaan Venezuela, *The Order of The Liberator Second Class*, sebagai tanda penghargaan di atas jasa - jasanya dalam mempereratkan hubungan antara kedua negara.

Ini adalah darjah tertinggi yang diberikan oleh Kerajaan Venezuela kepada ketua kerajaan asing selain dari presiden dan raja.

Serentak dengan itu Perdana Menteri

7 - AUG 1990
ri juga menyampaikan kepada Presiden Perez anugerah Darjah Mahkota Negara (DMN) yang juga merupakan anugerah tertinggi negara untuk ketua - ketua kerajaan asing. Anugerah tersebut ialah daripada Yang di-Pertuan Agong.

Upacara penyerahan anugerah itu berlangsung di La Casona, kediaman rasmi presiden sejurus sebelum upacara jamuan negara yang diberikan oleh Presiden Peres bagi merayakan kunjungan Perdana Menteri dan rombongannya itu.

Terdahulu, ketibaan Dato' Sri Dr. Mahathir yang disertai oleh Dato' Sri Datin Paduka Dr. Siti Hasmah di Lapangan Terbang Antarabangsa Simon Bolivar di sini diberi sambutan meriah dengan tembakan meriam 21 das dilepaskan.

Kunjungan Dato' Sri Dr. Mahathir mencatat satu lembaran yang baru dalam sejarah hubungan dua hala Malaysia - Venezuela, yang disifatkan sebagai pembuka pintu ke arah mencapai matlamat kerjasama yang lebih cemerlang di masa akan datang demi kemakmuran dan kesejahteraan jutaan rakyat kedua - dua negara.

Inilah lawatan rasmi pertama dilakukan oleh seorang pemimpin Malaysia ke negara Amerika Latin ini yang terletak berhampiran Lautan Carribean di bahagian timur laut Amerika Selatan.

Upacara sambutan di lapangan terbang diketuai oleh Presiden Peres.